

Ўзбекистон Республикаси Президентининг Ўзбекистон Республикасида
барқарорлик ва демократия йили бўлишига бағишланади

Исмоилжон Полвонов

ТУЙҒУЛАР ПАРВОЗИ

Шеърлар

«Ҳаёт» нашриёти
Андижон
2004

84(54)6-3

XX

1031005
091

Азиз китобхон!


И. Полвонов 1960 йилдан буён вилоят, туман газеталарида ўз шеърлари билан қатнашиб келаётир. 1993 йили чиққан «Ишқ аталмиш бир туйғу» китобининг муаллифларидан бири. 2002 йили «Ён, юрагим ён» китоби нашр этилган.

Қўлингиздаги ушбу китобга муаллифнинг Ватанга муҳаббат, одобахлоқ, меҳнатсеварликка оид ҳамда ҳажвий шеърлари киритилди.

ХГ-ПИ 09-11-04 ША
12-04-04

Полвонов И. «Туйғулар парвози» (Шеърлар)

© «Ҳаёт» А. 2004.



W

ИСТИҚЛОЛ ҚУЁШИ

Истиклол Қуёши
Нурин сочгандан буён.
Юртдошларим орзуси—
Ушалмокда беармон.

Қатағон, зулмлардан
Не жафолар чеккан халқ
Шу улугвор Қуёшдан
Абадий чексиз хурсанд.

Эй истиклол Қуёши,
Озодлик бердинг бизга.
Доимо бўлажакмиз
Сен билан ҳамдам - бирга.

Истиклолнинг нурлари
Ғолиб қилиб инсонни,
Эзгулик йўлларида
Қойил қилди жаҳонни.

Бугун халқим қудратин
Кўраркан, қойил қолдим.
Мен ҳам улуг истиклол-
Нуридан илҳом олдим.

БАТАН МАДҲИ

Аҳли жаҳон маҳлиёдир Ўзбекистон жамолига,
Келса меҳмон хушрӯй кўриб, офарин дер жамолига,
Тунда юлдузлар нур сочар, ҳавас қилиб ҳилолига
Шукроналар бўлсин, Оллох, мустақиллик замониға.

Шаҳар-қишлоқ жаннатмакон, осмонўпар тоғлари бор,
Чўллари ҳам маъданга кон, турфа, сўлим боғлари бор,
Аму ва Сир -кумуш камар, жўшиб оқар сойлари бор,
Табиати одамзотни яшартирар жойлари бор.

Бунёдкорлар ўлкаси бу, қурилмокда кўп бинолар,
Асакада “ДЭУ” завод, корхоналар, идоралар,
Унда ишлар, эҳ-ҳа, қанча, йигитлар-у дилдоралар,
Она юртим-олтин бешик, тўлин-тўлин ойлари бор.



КАСБГА МЕХР

Гар қайтадан туғилар бўлсам,
Ўқитувчи бўлардим яна.
Чунки бу касб қувончим—бахтим
Вужудумда қилган тантана.

Касблар кўп, йўқдир ёмони,
Инсон учун ҳар бири зарур.
Аммо устоз деган илиқ сўз,
Ҳар он қалбим этади мағрур.

Ёш ниҳолдир ўқувчим гўё,
Авайлайман, кўзлар тегмасин.
Ўн, ўн-беш йил парвариш этсам,
Сўнг кўрсатар “олтин” мевасин.

Шогирд эдим, бўлдим муаллим,
Кора кўзлар жилмаяр менга.
Виждон амри, соғ экан таним,
Чин юракдан қувонмай, нега?!



БАҲОР КЕЛАДИР

Бекарор еллардек ҳаёлим сочқин,
Эркин капалакдек учади ҳар ён.
Юрагим ҳапқирар вулқондек жўшқин,
Вужудим талпинар кенгликлар томон.
Шукрим, ҳар йили баҳор келади.

Фасллар қарвони алмашиб такрор,
Сирғалар тақади дарахт шохлари.
Кузакда сепилган экинлар яшил,
Далани безайди кўклам чоғлари.
Ҳар йили қиш кетиб, баҳор келади.

Заминдан тафт келиб, Қуёш тарар нур,
Табиат уйғонар, кўзғолар жонзот.
Дехқон-у боғбонлар дилида хузур,
Ризқ-рўз яратар буюк одамзот—
Юртимга ҳар йили баҳор келади.



ШОҲ БАЙРАМ

*Республика мустақиллигига
бағишлайман.*

Шоҳ байрам келиб бугун, Ватанда тўёнадир,
Ҳар қалбда ғурур, кувонч, тарона-шодиёнадир.
Шаҳар, қишлоқ файзли, кекса-ю – ёш майдонда,
Карнайлар садосидан юлдузлар уйғонадир.

Беҳазон боғ бизнинг юрт, гул маскани бизнинг юрт,
Фусункордир ўзгача, оламда яғонадир.
Меҳнатдан бахт яратар толеъи баланд халқим,
Ҳар ишда дадил қадам, ғайрати мардонадир.



КЎКАТЛАР

Борлиқнинг бир бўлаги,
Жонзот борки кераги.
Ҳар баҳорнинг беаги,
Она замин юраги—
Дуркун ўсган кўкатлар.

Кўкат ризқу-рўзимиз,
Боқсак, қувнар кўзимиз,
Шу яшил табиатнинг
Бир бўлаги ўзимиз,
Дармон — дори кўкатлар.

Юлдуз каби беҳисоб,
Саноғига етмаймиз,
Асло пайҳон этмаймиз,
Оғушингдан кетмаймиз,
Тансиқ таом кўкатлар.

Илк бор чиқар бойчечак,
Бегонадир зарпечак.
Бошқаси ноёб, бешак,
Майса—чўпонга тўшак
Жонга дармон кўкатлар.



ХАСАДЧИ НОЛАСИ...

Қандок қилай, қонимда бор жирканч одатим,
Одамлардек пок яшашга йўқдир тоқатим.
Эл ичида адо бўлди обрў-хурматим,
Ҳасадчиман, ҳасадчиман, “машхур” ҳасадчи.

Меҳнатсевар бойлик топса, чидай олмайман,
Ҳашарга деб чақирсалар, асло бормайман.
Одамларнинг ютуғини кўра олмайман,
Ҳасадчиман, ҳасадчиман, “донгдор” ҳасадчи.

Ўзгага бахт кулиб боқса, менда йўқ уйку,
Ёшлигимда сўнган эмиш қалбимда туйғу,
Кўнгил қора, чулғаб олган ғараз-у қайғу,
Ҳасадчиман, ҳасадчиман, “номдор” ҳасадчи.

“Аҳил-инок”, “дўстлик” сўзи менга бегона,
Эл-юрт учун хизмат қилиш буткул афсона,
Кўпчиликка кўшилолмай қолдим ягона,
Ҳасадчиман, ҳасадчиман, “писмиқ” ҳасадчи.

Ҳасадчи деб ном беришди менга халойиқ,
Феълим курсин, жамиятга “ишим” нолойиқ.
Феъл-атворим кўпчиликнинг қаҳрига лойиқ,
Ҳасадчиман, ҳасадчиман, жирканч ҳасадчи...



МАСЛИК – ПАСТЛИК

Мастлик—пастлик дерлар чиндан,
Оз-оз ичиб кайф бўлгай.
Бу “касал”га дучор булса,
Пахлавон ҳам заиф бўлгай.

“Ок арок” деб ичманг зинхор,
Ок юзингиз қора қилгай.
Ишда асло унум бўлмас,
Оқибати адо қилгай.

Қиттак-қиттак дея отиб,
Кўнгил гўё “мамнун” бўлгай.
Оқибат шу: бурди кетиб,
Эл олдида маймун бўлгай...

Айб этмангиз, дўсларим.
Сизга эмас, сўзларим,
Баъзи юлғичга тексин,
Аччиқ-аччиқ дўкларим.
Эсдан чиқиб копти “вой”,
Сўроққа йўқ тоқати.
Кингир йўлда иш тутса,
Чаток бўлар “чаккон”га.
Кунда эмас, кунида—
Албат тушар “копкон”га.



Адабий-бадий нашр

Исмоилжон Полвонов

«ТУЙҒУЛАР ПАРВОЗИ»

Шеърлар

Мухаррир:	Пўлат Абдулла
Мусахҳиҳ:	Мадина Усмон
Тех. муҳаррир:	Маннобжон Мирхалилов
Мусаввир:	Отабек Мамадалиев

Босмахонага 12.04.2004 йилда берилди.
Босишга 30.04.2004 йилда рухсат этилди.
Бичими: 84x108 32/1 ҳажми 0,75 б/т.
Буюртма 377 № 650 нусха.

Баҳоси келишилган нарҳда.

Қўргонтепа туман босмахонасида босилди.